

UEFA Europa league football haparao reak´ final reko rakap´e na Inter Milan

Calaoen tala n´inda hoyena UEFA Europa league haparao semi-final. Onare Ukraine disom ren ga.khur. football dol Sakhtar Donetsk 0-5 goal teko harao ocoena ar mit´ t.en dha.rtiren ga.khur. ar a.d.i ta.pis football dol Inter Milan t.hen.

Ona khila.d. re_ko goal akada Lautaro Martinez (19 ar 74 minute re_), Danilo D,Ambrosio (64 minute re_) ar Romelo Lukaku (78 ar 83 minute re_).

Inter Milan re_n coach (gate ceceic´) Antonio Conte me_ne_da-“gidra.ko a.d.i mon´j ko haparao akana khila.d.re. Menkhan netok´ do ra.ska.k´ reak´ okte_ do ban´kana, final re Sevilla FC sao~_te a.d.i kajak´ mit´t.en la_rha_i do hoyok´a´”, onate ac´ ren khelwar. ko sap´r_ao tahene metako kana.

Daraikan sokolbar hilok´ Spain re_n football dol Sevilla FC (oko_i do 5 dhao jit t.upriko horok´ akat´ noa haparao) sao~_te final reko la.r.ha.ia Inter Milan.

T_ha_kur jiuak´ (Isor Babawak´) Hukumko

Dha.rti sirja_u tayom serma Baba do Pilcu har.am (Adam) Pilcu bud.hiye (Hawa) sirja.ulet´ kina. Doholet´ kinae a.d.i mon´j ar napae jaegare, okaredo jan janwar, ce~re~ ciprut´ko talare hesec´-sekrec´ rekin tahekana. Isor Babaak´ hukum bebatao

serma dut ge serma parades khon laga ocoente Soetane bika uena. T.ha.kur jiu do mit' dare reak' jo jome manalet' kina, menkhan soetanak' gobol rekin par.aente T.ha.kur jiuak' hukumkin bebasutada. T.ha.kur jiu do laga o_d.ok ket'kina. ona mon'j jaega Eden bagwan khon.

Manwa ko san'geyen khan T.ha.kur jiu do bako disa.ledea, onate mit' okteye mohor met.ao ket'koa. Aema din tayom T.ha.kur jiu do Mose na.biye kusiadea ar maran' burure hohoadete 10 (gel) got.en hukume calade tahekana. Barea dhirire 10 got.en hukum do abo manwa la.git'e emat'bona.

1. In' saman're et.ak' Isorko aloko tahentam ma.
2. Gor.hon mut.ha.n se jahan d.hob alom benaojon'a, ban' do cot.sermarenko reak', ban' do latar otrenko reak', ban' do o_t latar dak'renko reak'. Onako alom d.obok'ak'a ar alom sewawak'a.
3. Probhu amren Isorak' n'utum a.uri pa.tha.uri do alom n'umtaea; ente Probhuak' n'utum a.uri pa.tha.uriye n'umtae hor. do bae bin dosea.
4. Jira.uk' ma~ha~ disa.ime, jemon onam so_no_t; turui ma~ha~m khat.aok'a ar amak' jotom ka.mia; menkhan eaeak' ma~ha~ do Probhu amren Isor n'utumte mit't.ec' jira.uk' dinge.
5. En'gam a.pum ganaokinme, jemon Probhu amren Isore emam disomre amak' dinkoge d.her hoyok'tam.
6. Alom khuna.
7. Alom lat.ghat.a.
8. Alom kombr.oea
9. Am ad.epaseren hor. rean' er.e goha alom ema.
10. Am ad.epaseren hor.ak' or.ak' dua.r alom lalocak'a; am ad.epaseren hor.ren maejiu se guti, se ka.mr.i se d.an'gra, se gadha se am ad.epaseren hor.ak' jahanak'ge alom lalocak'a.

Sonot uta.ric' T.ha.kur jiu cetan reak' hukumko ac'ak' titeye ol akat'a. Mit't.ec' dhirire do ac'ak' sonotok' reak' rukhia. ar dosarak' redo manwa tala reak' gor.o gopor.o, dula.r. ar

da.yik reak'e hukum akat'a. Amren go Babakin manaokin lagaok'a, ar alom khuna; noakin do jiwa la.git'te sonotak' kana. Alom lat.ghat.a, noa do bapla ar gharon'j rukhia. reak' tonol kana. Alom kombr.oea, noa do sompotti ra.khi jogao reak' hukume em akat'a. Er.e goha alom ema, noa redo er.e khon sa.riak' sec' tar.am reak' uskur kana. Alom laloca, noatedo ontor saphae reak' sa.bun kana.

Delabon abo sanam Santal boeha miserako, T.hakur jiuak' hukum bon manao ganaote bhorbon hamet.jon'ma.

Mit't.en kombr.o kul, Bana ar Toyo

Mit't.en kisa.r.ren aema ga.iko ar a.d.i maran' mit't.en Merom bodae tahe~kana; onko ga.i merom kodo jaoge mit't.en gupiyic' bir sec' a.tin'e idiyet'kokan tahe~kana, Ona bir rege mit't.en kul hoe tahe~kana, onko n'elte kul doe mena, uni meromin' jomlekhan ! Ente a.d.i a~t.e itil akana, a.d.i sebelin' a..ika.ukea. Bardin gan ban' jom lagaoken'a.

Ar mit't.en kombr.o do jaoge ona ato a.d.epasei dar.ana ar uni merom n'elte mone monetei menjon'ana, Nui meromin' kombr.o lekhan a.d.i uta.r.t.akaten' a.khrin'kea. Ado bhador din jokhec' tahe~kana kul ho~ ona dine nend.a.t.hik akaoana ar kombr.o ho~. Ado kul tinre con' jond.ra.gajar.reye bolo thir akan tehekana are menjon' kana hor. ko ja..pit' lege ado nahak' jojomin' bolok'a ar uni kombr.o ho~ un hilok'ge kombr.oe calao akan tahe~na, adoe n'elkeda jond.ra god.a.lar.aok' kana.

Adoe hudisket'a tinrecon' merome od.ok hec' akana, kombr.o rean' ja.rur. do ban' hoelentin'a ac' tegeye hec' a.din'a;

uni kombr.o do chala bostate merom mente kule pot.om kedeteye tolkede ar tolkede khan ado d.hae d.hue dal idiyede. Khange setak' dela dili n'elme uni kulma bir sec'geye t.anok' kana, Uni kombr.o do arho~ bohok're ran'gao macha dal daltei andmandao kede.

Khange marsalena; n'elkedemae kul kanae, Ado usa.rae rar.agot'kede ar ac' do mit' sec'e da.r.ket'a, Kul do bir sec'e da.r.ket'a d.igla. d.ig. Khange horre toyo do kule n'apamkede. Are kuli kede, okate mamu nuna.k' a~t. do d.igla. d.ig dom da.r.et'a? Kule menket'a bha.gna. cet'in' mena? Tehen' do mit' n'inda. mod thotkae sap' ledin'a; mi't' n'inda.e mod thotkakidin'a.

Cet lekanae mamu mod thotka do? Toyoe menkeda Delan' se uduk'a.n'ime ! Ado kule menkeda ohoge mamu in' do ba.n' calak'a, Mod thotka t..hen do. Ado kombr.o uduk' katei menkeda Ha.ni n'eleme ! Do calak'me. Toyoe menkeda mamu uni mod thotka don' n'elegea; adoe calaena. Nui kombr.o adoe dur.up' akana are bhabnak'kan tahe~kanae jomkin'a.e honec' kul do, cet' ia.te con' bae jom ledin'a?

Khange toyoe n'el n'elkede khan do uni kombr'o doe gitic'ena oyo pot.omkate. Toyo do uni ber.haeteye a.curok' kana, are menjon' kana, cet lekan mod thotka kanae bhalan' n'elea. Adoe a.cur idik' kana jan'ga khon bohok' sec'. Khange ba.i ba.ite kombr.o do tiye od..okket'taea; jokhonge uni toyo do jan'ga sece a.cur hec' akana unre kombr.o do usa.rate toyoak' phed. cand.bolre sap'kate cot.re ghiriya. a..cure ehop'ena; a.cur a.curteye lan'gayen khane capat' got'kadea.

A.d.i ba.ric'e botorena toyo do; are da.r.keda t.iya.l t.apal. Ado Kule tiok'kede khane menket'a ban' kanae mamu mod thotka do ghurpak kanae, in'gem er.ekeden'a. Khange da.da.r. d.aharre Bana ta.kinkin n'apamena; ado Bana toyoye metae kana okate bha.gna. nuna.k' a~t. dom da.r.et'a.? Toyoe ror. rua.r.ket'a, cet' mamom meneda mit' got.en ghur pake ghur pak keden'ase gujuk' lekan' a.ika.u akat'a. Ado banae

menket'a cet' lekanae bha.gna. nui ghurpak do?

Onkanko do aeman' jom akat' koa. Toyoe menkeda oho mamom jomlea ho, Ado enho~m jome khac' do dela lahatege calak' me. Uni hor. do ado lan'gatei dur.up' akan tahena, Bana sa.n'gin' khone n'elkedeadea hijuk' kanae ac' sec'te. Khangeye menket'a nitok' do nui Bana doe jomen'a dareren' dejok'a; ban'khan kha.t.igeye jomen'a. Adoe dec'ena, uni tayomte bana hoe dec'na. Khange hare phare cot.teye dec' idiyena hor. ho~ ar bana hoe dec' idiyena, Ado d.her laphan'en khan nanha dar sec', khange hamalte d.ar do raput'ena; ar banargekin n'ur got'ena, Bana doe latarena ar hor. do bana cetanre, Ado Bana do or.go por.go chad.aotentey da.r.ket'a.

Khange toyo ta.kinkin n'apamena, adoe menet'a am do bha.gna. a.d.im er.eya in' dom `er.e keden'a, ban'ma ghurpak kanae. Ban' kanae ghurpak do upor cap kanae. Ado ona bir talare mit' . got.ec' ca.ta.ni dhiri menak'a, ona do a.di usula; gel mo~r.e moka; ona dhiri latarre kul dander menak'a. Ona danderren kul do okate con' a.k'tin'e od.ok akana, ona takrege uni merom do ona usul dhirire don enec' bar.ae la.git'e dec'lena.

Khange ado bae phed. dar.eak' kana gupiyic' ho~ bae disa.ledea; ado khan gupiyic' do ga.iko meromko or.ak'teye a.guyet'koa kulhi muca.t'reye lekhayet'koa ado maran' Merom boda do bae n'amledea. Khange or.ak'te laga idi ot.okate or.ak'renkoe la.iat'kao, ban'ma maran' merom boda do okare con'in' paskao kedeadea. Kisa.~r.e metadeadea E babu oka sec'em idilet'koa? pasec' ta.rup' tanak'em jom ocokedeadea.

Gupiyic'e ror. rua.r.ket'a jomle khan in' disa..kea; ona maran' urni bir talatege a.tin'in' idilet'koa. Ona maran' dhiri t.hec'. Ond.e ma ba.bu kul coe taken. Adoko menket'a oka sec'tem idilet'koa; onkatege delabon sendralege. Khangeko calaena. Ado n'uten khan kul do bir khon danderteye od..ok hec'ena, ca.t.a.niye koyok'ket'a ayogo, cele kanae un maran' do? Merom do botor'teye kit. mit.a.uk' kana dhiri cot.re

ar kul ho~ botorteye kuc kuca uena. Kule menet'a Henda Ma~ha~ Raj cet' nond_e dom n'am kana? Men or.ak' ar.ak' ka.tin'me.

Merome menket'a Noa birren mit' mit'te kul bana ba.n' jom cabaleko khan ba.n' ba.giak'a. Onkae an'jomket' khan uni kul doe da.r. tap'ket'a. Ar da.r. da.r.te pha pho~e sa~het' ket'a. khange banae kuli kedea, Okate nuna.k' a~t. do Mamom da.r.et'a? Kule menket'a Cet'em n'am kana Mamo in'ak' or.ak're cele kan coe! godor godor gocoanae, bohok're ba.rci leka menak'taea.

Ente mamom cekayea tahe ocoae. ona ma, mamom hege in'in' metadea Henda Ma~ha~ Raja oka khonem hec' akana nond_e do cet'em n'am kana? A.yup'en con' bam eskarok' kana? Unre mamom noa kathae ror.rua.r.a.din'a; menket'a, Noa birren kul bana mit' mit'te ba.n' jom cabaleko khan boron' upa.sten' tahena enre ho~ cabako gea.n', ba.n' ba.gia. Khange mamom kit' mit'a.u bar.ae kanae, Ona botorten' da.r.et'a.

Dela am hom da..@ khac'. Khange banae menket'a delan' mamom bar hor.alan' oho ja.nic' mit' dhaote doe jom lan'ia adokin hijuk' kana. Horre toyo takoko dapramena, Henda mamom tehen' do bar hor. cekateben gateyena? Ona katha la.ia.n'ben.

Adokin la.iae kana, cet' ban' se mamom in' or.ak're mit' got.en rakase hec' akana. Cet' lekanae? toyoe menet'a, A.d.i maran'ae mamom kule menet'a.

Tobe khan mamom in' hon' calak'a jotokotebon lagayea, khangeko menkeda jor.ak'abo mamom tahole jahaebon lan'galen khan dar_e hore a.tkir bona; pasec' in' con' lan'gak' pasec am com lan'gak' jor.a mit'kate khan jotoge jom khane jombona.

Ban'caok' khan jotogebon ban'caok'a; dela bo n'elea. Ado jor.a mit'kateko calaoena ona dander t.hen. Nui merom do onkoe disa.ket'ko khan phur kate a.d.i a~t.e don a.cur ket'a dhiri cot.re kat.ap' ka..t.ap' sad.eyena. Khange onko

bana kul ar toyo do ona an'jomte bira.m pa.t.ko da.r.ket'a.

Khange bana doe bhinda.rena, bhinda.ren khane or rad radao idiye kanakin. Adoe menet'a, Alo mamoben oren'a mare mare ma.ila. mamom chad.aok' kan tin'a. Khange toyo ho gurena; ar onkayet'akin, Alo mamom am dom maran hor. kana, mare ma.ila. mamom toraoket ta.lin'a, khangeye ger goc'ket'kina.

Disa_m re 3 lakh so_r ko_ro_na ajar hor ko san'geyena

Ban'gladisa_m re_KO_RO_NA ajar re_ko par.ao akan hor. do din din teko san'ge~ idik' kana. Hola lekhare noa ajarren ko hoyok' kana 2024 hor. ar mit' din re_ko goc'ena 32 hor., at.hwar hilok' re_ak' disa_m sombat bulet.in re_noa kathako so_do_r keda Sastho Odhidoptor.

Onare ar ho ko sodor keda hola setak' 8 baja dha.bic' 2 hajar 24 hor. nawa ajar hor. ko hoyena mot.re 2 lakh 76 hajar 657 hor.. IECDR reak' hisa.bte or.ak're ar haspatalre cikitsa hatao kate 1315 ajar rugiko boge akana. Onko nia. mot. ko_ro_na ajar khon boge akan ko hoena 1lakh 58 hajar 950 hor..

Ban'gladisom re ko_ro_na rua. pa.hil sap' n'amlena 8 march, ar nit ha.bic' nia. khon 2 lakh 50 hajar cetan ko hoyena calaen 7 august 2020 ta.rik. Nia. bhitrire 2 julai 4 hajar 19 hor. ko_ro_na rugiko n'amlena, oka mit' dinre joto khon dher.

Pa.hil rugiko n'amena lo maha tayom 18 march, disa_m re pa.hil nia. rua.te gojok' reak' khobor ko sodorleda Sastho

Odhidoptor. 12 august onko gojok' hor ko do 3 hajar 500 ko paromkeda. Ona bhitrere 30 jun 64 hor ko goc' reak' khobor n'amlena, oka do nia ko dinre mit' dinre joto khon dher hor ak' gojok' tahekana.

Amnura re sikna t gidra ko modre dar eanak' jom em ha tin'

Calaoen 15 august, 2020 sa nicar hilok' Tabitha Kinder Garten Iskul Amnura re 137 gidra ko modre dar eanak' jomak' ko emak' koa. Nia ka mi hora do Rotary International-Dhaka Kawran Bazar ak' Ka ud i ar Tabitha Foundation reak' gor o te hoyena. Got a dha rti re hec' par ao akan a d i muskil rua corona reak' gor o hisa b te noa jomak' do em hoyena. Kindergarten r en gidrako jomak' hisab teko n'am keda; Towa 250 ml, kaera bar got en ar bele mit' got en katet' ko n'am keda. Nia dar eanak' jomak' em ha t in' do calao idik'a 3 cando ha bic'.

Noa jomak' Gidra ko talare calat'koe Tabitha Foundation ren Manotan Director ar The Santals Times ren maran' mukhia Stephen Soren. Ar ho son'ge teko tahe~ kana Uttorbongo Adiba si Foram ren Manotan Gon'ke Hingu Murmu, Godagar i Thana Pakr i UP ren Pargana Robindronath Hembrom, Gomostapur Upojila ren Adivasi Chairman Kornelius Murmu, Amnura Rotary Community Core ren Chairman Prodip Hembrom, Markus Murmu sa'o Tabitha Kindergarten ren mahasoe ko.

DARAEKANA E_BHE_N BAND AK' NAWA SEREN'

Bangladisha_m ren hara rakabok'' kan ga_khur. gainahakoak seren'do_l do_ E_BHE_N.o_ko_i do_ disa_m ren Santal koak' harket, sase_t ar a_ida_ri reak' katha ak oak' seren' talate ko_ror. sodo_reda.Onkoak' pa_hil seren''e_bhe_n me gatire''seren'te Santal ko talare a_di bhage goroje n'amleda. Band ren a_yuric' Ruhul Amin Kisku(RAK) me_ne_da-niya. Corona okte_re_serен' reak' music sapr_ao ar bhid_iyo be_nao thora et_keto_~re_~rele paraolenre_ho aud_io reak' ka_mi do_pura_u akantale_a. Thora din taenom khange_asok' kana music bhid_iyo reak kami hole pura_o dareak'a. No_~wa seren' reak' niutum do_huyuk' kana 'se_n'ige_l a_ric''. No_~wa seren're ho_~ Santal koak' a_idari reak' kathako menak'a. Asok' kanale a_di mon'j mit't_en ka_mi do_hoyok'a. Ar joto hor. t_hen nehor taheina, aleak' facebook page ar youtube channel subscribe tabonpe.

E_bhe_n band. d.olren ra.isikko hoyok' kana Ruhul Amin Kisku (Vocal ar Guitar), Santosh Soren(Lead Guitar), Mamun Hembrom (Drums), Ripon Hasda (Bess Guitar).

Sasap' r_aoic' ak' katha



Noa Dha rtire nawa per ae set erena Robibar 9 August,2020 sermare a d i sa jao sap r ao katege. Aema per ako modre **'The Santals Times'** reak nawatet' do cet' kana! The Santal Times reak jostet' do hoyok' kana abo got a dha rtiren Santal hoponkoak' boge-juda, ror ropor , rua -haso, ka mi-kisa ni, olok' par haok' disom ar dhoromre aboak' da yik-manao ganao ko em ha pa t in'.

Ona sa ote uduc'-d ubuc'jok' kan santal pa rsi ra khi jogao ho maran motlob kana.Wikipedia (the free encyclopedia) re n amok' kana got a India re 6,779,033 (Turuigel Eya e Lac Eyaegel Are Hajar Pegel Pe); Bangladesh re 300,061 (2001 census lekate) ar Nepalre 42,698 santal hopon menak' bona. Noako disom chad a ho ha ric' pa sir et ak' disomko reho santal hoponko giroba si akana. Santalkoak' Nuna k' dilga ria reak olok'ak'ko menak' reho nij nij disomren a kilanko do sa riak'tet' bako bad aya. Onko bad ae ocoko lahare abonge kha ndritet' ar mon'jte bad ae ja rur kan tabona. The Santal Times' do onako ol ucha n reak' kurumut u menak'taya.

Santal somaj susa r ia ko ho Santal hoponren a gil hapr amkoak' kathako nia okteren jua n kor a-kur iko t hen babon la i sodor dar eak' kana. Sa rige babon bad aya, onate duk ar la jao par ao reak' do ban' kana. Aema oktere ato ga ota kore set erlen khan la t u-ka t ic' ko bad ae sanawakat' koa, okare Santal koak' dole bad ae dareak'a! Kha t i ge nitok' do bon la i sodor dar eak'a, Santal hopon koak' jotoak' do The Santals Times rebon n am dar eak'a.

Chapa ond ok newspaper se Magazine do got a dha rtiren santalko t hen ban' set erkok'a, menkhan online reak' do a d i usa ra ar algate mimit' boeha miserako t hen set er dar eak'a. Apan a pin t ha e khonge par haok', olok ar epemok' do elect ronic media int ernet ge joto manwakoge a te em akat' bona. Joto sarhao ge aboren T ha kur jiwak' (Isor baba ak') hoyok' tae ma.

The Santal Times ren ra.sia.ko apeak' gor.o gopor.o, dula.r. ar a.kilanak' hudisko ale son'gepe epem len khan aboak' Santal Times do hara buruk'a, sagen bahak'a ar napae napae jo bon n'ama. Jotoko la.git'ge jo do bha.la.eak' hoyok'a.

15 August Ban'gladisom rean' mit' Bhaban Din

Tehen' do 15 August, got.a disomre maran' duk din. No_a dinre abo Ban'gladisom reak' hoe-serma, dari-na.r.i hoe rak' leda. Saon cando, 1975 serma reak' 15 August mit'dol ulbulia. ar ba.ric' horteko tar.am let' milit.a.ry kor.ako disom sha.dinren asol hor. Ja.tren baba mente ganao akade Ban'ga bandhu Shek Mujibur Rahman ko t.hu goc' ledea. Tehen' do 45 dinisa. ma~ha kana.

1975 Serma reak' 15 August gogoc'ko do Ban'ga bandhu Shek Mujibur Rahaman sao~te uniren or.ak' hor. Shek Fajilatunnesa, kor.a Shek Kamal, Shek Jamal, Shek Rasel, Shek kamal ren or.ak' hor. Sultana Kamal, Jamal ren bahu Roji Jamal, Ban'ga bandhu ren boeha Shek Naser, SB officer Siddikur Rahman, Cornel Jamil, Military member Soiyad Mahbubul Haq; ona okterege arho gogoc' ko do Ban'ga bandhuren bha.gna.tet' Shek Fajlul Haq Moni or.ak' ko set.erente Shek Fajlul Haq Moni, Fajlul Haqren ba.hu Arjumoni, Ban'ga bandhuren Ten'atet' Abdur Rob Serniyat or.ak' ho ko eset'ket' te ko goc' ket' koa. Ond.e ko goc' ket' koa Abdur Rob Serniyat, uniren kur.i Baby, kor.a Arif serniyat, gor.om kor.a Sukanto Babu, Abdur Rob Serniyat ren la.t.u boeharen kor.a Sajib Serniyat ar mit' per.ae tahekana Bentu Khan. Bangladisomren kukmuguru ar benaoic' kanae Shek Mujib do. 1971 march 7, Banga banduak' hoho tege dilga.ria. Santal hopon koho jiw i alaekate disom rukhia. ar

sa_dhin la_git'ko la_r_ha_i lena. 1972 serma reak' 4 November constitution bahallen hilok' onatege sodorleda Ban_ladisom reak' asol khunt_i do hoyok' kana ja_tia_ri (nationalism), sa~ota (socialism), Ga~otaren sanamko hotete a_yur se Gonotontro (democracy) ar secularism. Noa dha_r_tire tina_k' din Bangladisom tahena, una_k' din n'utum tae do sermaren jolok' ipil leka jolok taya.

Bo_n'go_bandhu Shekh Mojibur Rahman ak' 45 Serma Gur Ma~ha

Ba~n'gali ja_t ren Disa_m Baba ak' olok' dur_up katet' in disa_ket' tin'a_khat_o Itihas. In'ak' disa_re 1996 sal pa_hil dhom Dhaka ten' senlena ta_rik ar cando do a_d_i bes ba_n' disa_yeda. Inak' noa calak' hor redoe~ tahe~kana Manotan Advocate Norendronath Tudu ar Cunda_Marand_i. Rajshahi rele dec' ena n'inda_ amdaj 10 baja sec'. A_d_i aema hudis ar gando_n' tegi night coach cetan ren'tahekana. Bogur_a re menak' 'Food Village' re bus do ten'guyena. Joto hor_ko phed_ena. In' do un ha_bic' a_d_i hudis re. Advocate Norendronath T_u_d_u doe~ hoho keda Mamu phedok' hoyok'a. In'ak' kukli do cedak'? Adoe la_i a_din'a, nond_e do mit' gha_r_i ten'gona, ap'-hutum mok'ako hor_, thor_a ca_na_sta se daka utukohom jom dar_iak'a.

Onka leka joto ka_miko sa_t bar_a katet' hor_ ar_e re menak' ca_dokan regi ten'gu katet' ca dokin n'u~ keda. Ar in' don' hudisok' kana n'ida_ho~ ca ko n'ua? Daka ko joma? N'inda_ho busko calak'a. Tisho bad_ae ma ban' tahe~kantina. Nitok' do somoe hoe~yena ar ho bus re dejok' hoyok'a. Bus do calak' tegi menak'a, menkhan in'ak' ja_pit' do ban' hoyok' kana he~'oa begor te. Dhaka reak' Kolabagan le tea_k' keda. Menkhan bus

khon bale phedok' kana n'inda gi karonte, ban'ma phed. katet' amak' t.ha.i tem calak' khan n'u~t gite horre eset' katet' d.aku do amak' t.aka poesa selet' joto daman jinis doko hatao cabae tama. Onate gad.ire dur.up' katet' ge mon'j an'ga marshal katet' nirik akat' t.ha.i tele senena.



A.d.i at. in' disa. yeda dosar din do tahe~ kana 32 No. Dhanmund.i hiri reak' din. In' ren a.'yuric' hisa.b te doe tahe~kana Adiva.si cetan' re onolia. columnist, Rescuers Manotan Mithusilak Murmu. A.d.i mon selet' 32 No. Dhanmond.i don' n'el pura.o keda. In'ak' monre ba.r.ti hudis ar bhabna don' buj keda, cetan sec' dec' rakabok' sir.hi t.hen ge Ban'gali jatiren Baba Bongobandhu Shekh Mojibur Rahman doko t.hu goc' ledia 15 August 1975 serma. Ona din regi son'ge te arhoko tahekana ac' ren or.ak' hor. Shekh Fojilatun necha Mojib, Kor.a Shekh Kamal, Shekh Jamal, hudin' gidra. Shekh Rashel selet' arho aema hor.ko.

Onate tehen' do Itihas r.reak' sakam re a.d.i bhabna din kana. Ona te in' sec' khon ban'gali jatiren baba selet' uniak' gharon'j ren jotoko n'utumte bhabna selet' in' disa. et' koa. 1952 sal reak' Pa.rsi lar.ha.i khon ehop' kate 54 reak' Jukto front Nirbacon, 58 reak' Shamorik' Sashon Birodhi lar.ha.i, 66 reak' 6 got.en khojok'a, 69 reak' Gono obhutthan, 70 reak'

Election/hap'rao selet' Bangali koak' Mukti ar A.dhikar a.da.i hatao la.git' joto lekan lar.ha.i, hudis ar ka.mi r.e a.yuric' hisa.b teye tahe~kana d.isam baba Bongobondhu Shekh Monjibur Rahman.

Onkagi 1971 sal reho~ Ja.tia.riko la.git' kukmue~ n'el leda Bongobondhu Shekh Mojibur Rahman ar uniak' a.yurte Ban'gali Ja.tia.riko hamet. keda a.d.i maran' ahkaoanak' Sa.dhin Disa.m. Ba.r.ic' d.ako danderko do Bon'gobondhu Shekh Monjibur Rahman ko goc' ledireho~, uniak' kukmu ar so_not kami do bako goc' caba dar.iada. Onkate ac'ren Maran' Kur.i a.d.i Manotan Disa.m ayuric' mukhiya. Shekh Hasina do Bongobondhu ak' kukmu Sona disa.m benao la.git' sin' ar n'inda. ombak' ekhor.ome ka.mi kana. Ban'gali ja.tiren Babawak' bhabna gi son'ge katet' Bon'gobondhu ren Maran' Kur.i Manotan D.isam ayur. r.en mukhiea Shekh Hasina ak' ayurte nitok' do digital Bangladesh benao rakap' la.git' a.d.i kurumut.u katet'e~ ka.mi kana.

Andro Kishor N'ut'umte Koe~jon'



Andru kishor do Ban'gladisom re Isa.i hor. hisab te a.d.i maran' gainaha~e tahe~ kana. Disa.mre a.d.i aema u~tar. doe~ seren' akada. Amdaj 15 hajar. cetan ar disa.m rean' maran' maran' gainaha purosakar koe n'amleda. N'el n'el nu~i gainaha dhur.i dha.rti ba.giak' reak' 40 gel din do hoe~ pur.a.oena. Uniak' nia. 40 gel din hoe~ pura.oen te Sukolbar (14 august 2020) ac'ak' ghar.on'j sec' khon koe~jon' ar disa. r.ua.r./u~yha.r. a.cur. ko hoho

leda. Rajshahi Citi Church re Andro Kishor lagit' ko
koe~jon' keda.

Ona dupur up re koe~jon' doe~ a yur keda Ashia Mondol,
seren'ko a yur keda Lorenc Mondol ar ac' ren sa~otenko, So_no_t
Baebel khone par hao keda Ovro oshan, Sostor kathakoe~
gapalmar ao ha t in' keda Bashit Hembrom. Uniak' disa rua r.
se u~yha r acur reak' gapalmarao reko tahe~kana ac' ren gidra ,
gati ar adepaser en per ako. Ac' ren kur i do ac' baba cetan
re benao akan presentation doe~ uduk at' koa. Calaoen bochor
reak' September cando khon Cansar rua uniak' hor more
basae badhao akat'a mente sap' n' amlena ar 9 cando do Singapur
re ta~he~ katet' cikithsha doe hatao et tahena.

June ma_hna reak' 11 ta rik do disom teye rua r. ena. Dhaka
re thor a din tahe katet' Rajshahi re ac' ren mesera Dr.
Sikha Bisas ak' or ak' r ey tahe~kana. Calaoen 6 julai do
disam ren joto hor ko bagi kat'et' Ishor ak' hobor r eye
jira ulena. Nui gainaha do Bangladesh ren santal hor ko sa~o
a d i napae mit' t en oporom ar jopr ao tahekantea. Gainaha
Adu Kishor ak' gujuk' santal ko monduk ar bhabna ko sodor
akada. Ona selet' uniak' atma suluk la git' sisirja oic' t hen
ko koejon`eda.